



Broj: 01-28/20
Vareš, 27.02. 2020. godine

Z A P I S N I K
sa 34. sjednice Općinskog vijeća Vareš,
održane 30.01. 2020. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić, Nikola Šimić i Fadila Turki.

Odsutni: Nema.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 34. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika – gosp. Ermin Musa, rukovodilac JURA - gosp. Rusmir Berberović, zamjenik općinskog pravobranioca – gosp. Damir Arnautović, predstavnik PS – Meho Bajrić, predsjednici političkih partija i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 33. sjednice OV održane 27.12.2019. godine i realizaciji Zaključka. Na 33. sjednici donesen je jedan (1) zaključak koji je u toku realizacije. Postavljeno je sedam (7) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu u svom obraćanju o aktualnim pitanjima nije imao obraćanje. Izjavio je da će u toku sjednice kroz rasprave informisati Vijeće o aktuelnim pitanjima.

(Vijećnička pitanja)

Elvir Rožajac

1. Kada će doći do sanacije mosta kod Osnovne škole? Mislim da je krajnje vrijeme da se pristupi sanaciji.

Kruno Ridić

2. Općina Vareš je u prošloj godini aplicirala na raspisane javne konkurse. Možemo li dobiti pisanu informaciju, kao Klub DF, koliko je od tih konkursa odobreno a koliko odbijeno? Koliko je učešće Općine Vareš u tim projektima.
3. Kao Vijeće uputili smo Zaključak Željeznicama Federacije Bosne i Hercegovine, pitali smo da li mogu da osposobe prugu Vareš - Podlugovi. Obzirom da bi pruga bila od izuzetnog interesa otvaranjem rudnika olova, cinka i barita. Ima li informacija u vezi tog dijela pruge? Predlažem da putem Kantonalne Skupštine naših delegata te parlamentarne skupštine pokrenemo inicijativu da se ova pruga stavi u funkciju.

Mirnes Ajanović

4. Stanari zgrade koja se nalazi u Ljevarskoj ulici u Vareš Majdanu obraćaju i traže pomoć u rješavanju njihovog zajedničkog problema. Na jednom od spratova izliva se kanalizacija, fekalije i fekalne vode iz stana koji se ne koristi. Fekalna voda se slijeva niz glavi razvodnik instalacija od struje, preko osigurača. Na koji način se rješava problem devastiranih stanova, onih koji su napušteni pa devastirani kao i problem stanova čiji vlasnici ne žive tu a dođe do ovakvih ili sličnih problema?
5. Negdje polovinom prošle godine načelnice izjavili ste dugovanjima u iznosu od pola miliona KM „Vareš stana“. Da li nam sa ove vremenske distance možete reći o čemu se radilo tu i kakva je trenutna situacija i stanje u toj ustanovi, odnosno preduzeću. Ima li kakvog pomaka u rješavanju nakupljenih problema?

Emir Islamović

6. Moje pitanje je upućeno JP Šumsko privrednom društvu ZE-DO kantona, odnosno nadležnom Ministarstvu. A riječ je cjenovniku gotovih proizvoda, koji se donosi svake godine. Drvni proizvod na tvrdom putu konstantno se povećavaju, svake godine od 3-4 KM Dok cijena šuma na panju ostaje ista. Ona bi trebala da prati tu cijenu. Da nam obrazlože zašto se ne povećava ta cijena na panju?

Safeta Muftić

7. Stanovnici naselja Selište u odnosu na druge stanovnike grada Vareša, osjećaju se diskriminirani. U pitanju je čišćenja ulica u zimskom periodu, odnosno održavanje ceste uopće. U ljetnom periodu imamo najviše oštećenja i rupa, a u zimskom periodu imamo neredovna čišćenja snijega posipanje materija. Stanovnici plaćaju tkz. dadžbine kao i komunalne takse. Zbog toga pitamo zašto se naša ulica ne očisti i ne pospe na vrijeme, prije nesreća?

Nedžad Mušanović

8. Zamoljen sam od par stanovnika sela Dragovići da pitam da li ste upoznati i da li se mogu riješiti problemi oko rasvjetnih tijela sela Dragovići. U pitanju su sijalice koje ne rade i koje potrebno zamijeniti, ukupno 7-8 komada. Potrebno je izvršiti legalizaciju projekata rasvjete. Da li se može nešto uraditi po ovom pitanju u skorijoj budućnosti?

Branko Romić

9. Da li postoji mogućnost da se izvođaču radova na održavanju regionalnog puta sugeriše, da prilikom izvođenja radova obrate pažnju na već očišćene prilaze, odnosno da ne zatrpavaju prilaze pored regionalnog puta?

Nermin Hrvat

10. Šta se može uraditi na poboljšanju rasvjete u MZ Vareš Majdan. Trenutno stanje je katastrofalno.

Đemo Kevrić

11. Ponovo se vraćam na svoje vijećničko pitanje od prije dvije sjednice OV. A to jeste sanacija puta Pajtov Han – Striježevo. Postoji li mogućnost da se sanira taj dio puta?
12. Ponavljam pitanje iz ranije održanih sjednica OV, u pitanju je odvoz smeća od porušenih bunkera.

Kenan Kamenjaš

13. Zamoljen sam od strane mještana MZ Dabravine, da iznesem aktuelni problem a to su psi lualice. Povećao se broj pasa lualica u MZ Dabravine. Ima li prostora u azilu da se smjesti jedan određeni broj pasa?

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV je na osnovu diskusije predložio i stavio na izjašnjavanje sljedeći

Zaključak:

- Traži se od Općinskog načelnika i nadležne Službe da pošalju Direkciji za ceste i nadležnom Ministarstvu jedan dopis u kome će dati obrazloženje da građani Općine Vareš nisu zadovoljni sa zimskim održavanjem regionalnog puta, da se nakon čišćenja regionalnog puta pročiste zatvoreni i zatrpani sporedni putevi i sporedne ulice i da se poboljša čišćenje trotoara i gradskog dijela ulica.

Nakon izjašnjavanja vijećnika predsjedavajući OV konstatuje da je **predloženi Zaključak jednoglasno (sa 19 glasova „ZA“)** usvojen.

Predsjedavajući OV stavio je na raspravu Zapisnik sa 33. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 33. sjednice OV i nakon izjašnjavanja vijećnika konstatuje da je **jednoglasno sa (19 glasova „ZA“) usvojen Zapisnik sa 33. sjednice OV.**

Predsjedavajući OV stavio je na raspravu prijedlog dnevnog reda za 34. sjednicu OV koji je usaglašen na Kolegiju Općinskog vijeća.

Pomoćnik načelnika Ermin Musa ispred ovlaštenog predlagača, predložio je dopunu dnevnog reda sa tačkom 7. „ Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.

Predsjedavajući OV stavio je na izjašnjavanje prijedlog za dopunu i nakon izjašnjavanja vijećnika predsjedavajući OV konstatuje da je **sa 15 glasova „ZA“ i 4 glasa „PROTIV“ usvojena dopuna dnevnog reda 34. sjednice OV.**

Predsjedavajući OV stavio je na izjašnjavanje prijedlog dnevnog reda 34. sjednice OV uz usvojenu dopunu i nakon izjašnjavanja vijećnika konstatuje da je **sa 15 glasova „ZA“, 1 glas „PROTIV“ i 3 „SUZDRŽANA glasa usvojen sljedeći**

Dnevni red

1. Informacija o radu Policijske stanice Vareš sa ocjenom stanja bezbjednosti za 2019. godinu.
 - Izvjestilac: Predstavnik PS Vareš.
2. Prijedlog Odluke o konačnoj prosječnoj građevinskoj cijeni 1m² korisne stambene površine na području općine Vareš za 2019. godinu.
 - Izvjestilac: Ermin Musa
3. Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu.
 - Izvjestilac: Općinski načelnik.

4. Prijedlog Odluke o izmjeni Odluke o izboru stalnih radnih tijela Općinskog vijeća Vareš.
- Izvjestilac: Sekretar OV.
5. Prijedlog Rješenja o razrješenju zamjenika općinskog pravobranioca u Općinskom pravobranilaštvu Općine Vareš.
- Izvjestilac: Općinski načelnik.
6. Prijedlog Rješenja o prestanku prava na posjed zemljišta u državnoj svojini, posjedniku SOUR Velepromet Visoko OOUR Vareš.
- Izvjestilac: Ermin Musa.
7. Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.
- Izvjestilac: Ermin Musa.
8. Izvještaj/Izvješće o realizaciji Programa rada Općinskog vijeća Vareš za 2019. godinu.
- Izvjestilac: Sekretar OV.
9. Informacija o projektima obnove stambenih jedinica u 2019. godini.
- Izvjestilac: Ermin Musa.
10. Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.
- Izvjestilac: Čedomir Jelić.
11. Tekuća pitanja

Ad. 1.

(Informacija o radu Policijske stanice Vareš sa ocjenom stanja bezbjednosti za 2019. godinu.)

Otvorena je rasprava u kojoj su svoje mišljenja i pitanja iznijeli vijećnici: Nedžad Mušanović, Mirnes Ajanović, Elvir Rožajac, Kruno Riđić, Đemo Kevrić, Branko Romić, Safeta Muftić i Općinski načelnik Zdravko Marošević.

Predstavnik Policijske stanice Vareš gosp. Meho Bajrić u svom obraćanju informisao je prisutne o radu PS Vareš, dao je pojašnjenja na osnovu diskusije vijećnika i odgovorio na postavljena pitanja vijećnika u raspravi.

Predsjedavajući OV na osnovu rasprave vijećnika konstatuje da je PS Vareš veoma dobro radila u skladu sa svojim nadležnostima.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informaciju o radu Policijske stanice Vareš
sa ocjenom stanja bezbjednosti za 2019. godinu.***

Ad. 2.

*(Prijedlog Odluke o konačnoj prosječnoj građevinskoj cijeni 1m²
korisne stambene površine na području općine Vareš za 2019. godinu.)*

Komisija za statutarna pitanja i propise na 22. sjednici održanoj 27.01.2020. godine jednoglasno je donijela Zaključak:

- Komisija nema primjedbi na Prijedlog Odluke o konačnoj prosječnoj građevinskoj cijeni 1m² korisne stambene površine na području općine Vareš za 2019. godinu, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o konačnoj prosječnoj građevinskoj cijeni 1m² korisne stambene površine na području općine Vareš za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“) usvojena**

***Odluka o konačnoj prosječnoj građevinskoj cijeni 1m²
korisne stambene površine na području općine Vareš za 2019. godinu.***

Ad.3.

*(Prijedlog Odluke o raspodjeli sredstava za političke stranke
u Općinskom vijeću Vareš iz budžeta Općine Vareš za 2020. godinu.)*

Komisija za statutarna pitanja i propise na 22. sjednici održanoj 27.01.2020. godine jednoglasno je donijela Zaključak:

- Komisija nema primjedbi na Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“) usvojena**

***Odluka o raspodjeli sredstava za političke stranke u
Općinskom vijeću Vareš iz budžeta Općine Vareš za 2020. godinu.***

Ad.4.

*(Prijedlog Odluke o izmjeni Odluke o izboru
stalnih radnih tijela Općinskog vijeća Vareš.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“) usvojena**

***Odluka o izmjeni Odluke o izboru
stalnih radnih tijela Općinskog vijeća Vareš.***

Ad.5.

*(Prijedlog Rješenja o razrješenju zamjenika općinskog
pravobranioca u Općinskom pravobranilaštvu Općine Vareš.)*

Otvorena je rasprava u kojoj su učestvovali vijećnik Đemo Kevrić i Općinski načelnik Zdravko Marošević koji je u svom obraćanju odgovorio na postavljeno pitanje vijećnika da će podaci o zakazanim ročištima i sl. biti prikazani u Izvještaju o radu Općinskog pravobranilaštva koji će biti dostavljen Vijeću na razmatranje. Također je upoznao prisutne da je Općina Vareš raspisala javni oglas za prijem zamjenika općinskog pravobranioca.

Zamjenik općinskog pravobranioca Damir Arnautović u svom obraćanju upoznao je Vijeće o razlozima ostavke i zahvalio se svima na dobroj saradnji tokom njegovog rada u Općini Vareš.

Zaključena je rasprava i predsjedavajući OV stavio je na izjašnjavanje Prijedlog Rješenja o razrješenju zamjenika općinskog pravobranioca u Općinskom pravobranilaštvu Općine Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“) usvojeno**

***Rješenje o razrješenju zamjenika općinskog pravobranioca
u Općinskom pravobranilaštvu Općine Vareš.***

Ad.6.

*(Prijedlog Rješenja u prestanku prava na posjed zemljišta
u državnoj svojini, posjednika SOUR Velepromet Visoko OOUR Vareš.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prestanku prava na posjed zemljišta u državnoj svojini, posjednika SOUR Velepromet Visoko OOUR Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 19 „ZA“) usvojeno**

***Rješenje o prestanku prava na posjed zemljišta u državnoj svojini,
posjednika SOUR Velepromet Visoko OOUR Vareš.***

Predsjedavajući OV dao je pauzu u trajanju od 10 minuta.

Nastavljeno je sa radom sjednice.

Ad.7.

*(Prijedlog Zaključka o davanju saglasnosti na stručne ocjene o mogućnosti
odobravanja planirane promjene u prostoru, odnosno mogućnosti izgradnje
minihidroelektrane MHE „Tribija“ na rijeci Tribija u općini Vareš.)*

Predsjedavajući OV podsjetio je prisutne da je MZ Vijaka dostavila Općinskom vijeću dopis-suglasnost za nesmetanu izgradnju minihidrocentrale na rijeci Tribija. Dopis je dostavljen svim vijećnicima.

Otvorena je rasprava u kojoj su svoje stavove, pitanja i mišljenja iznijeli vijećnici: Elvir Rožajac, Kruno Ridić, Branko Romić i Emir Islamović.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.

Nakon izjašnjavanja vijećnika predsjedavajući OV konstatuje da je **sa 12 glasova „ZA“, 6 glasova „PROTIV“ i 1 „SUZDRŽANIM“ glasom usvojen**

***Zaključak o davanju saglasnosti na stručne ocjene o mogućnosti
odobravanja planirane promjene u prostoru, odnosno mogućnosti izgradnje
minihidroelektrane MHE „Tribija“ na rijeci Tribija u općini Vareš.***

Ad.8.

*(Izveštaj/Izvešće o realizaciji Programa rada
Općinskog vijeća Vareš za 2019. godinu.)*

Sekretar OV Leon Pavlović dao je dodatna pojašnjenje za ovu tačku dnevnog reda.

Otvorena je rasprava u kojoj su svoja mišljenja i pitanja iznijeli vijećnici: Kruno Ridić i Elvir Rožajac. Sekretar OV dao je odgovore u vezi određenih tematskih cjelina koje nisu realizovane u 2019. godini, te izjavio da će iste biti realizovane u 2020. godini.

Zaključena je rasprava i predsjedavajući OV stavio je na izjašnjanje Izveštaj/Izvešće o realizaciji Programa rada Općinskog vijeća Vareš za 2019. godinu.

Nakon izjašnjanja vijećnika predsjedavajući OV konstatuje da je **jednoglasno sa 18 glasova „ZA“** (odsutan vijećnik Dženan Džafo) **usvojen**

***Izveštaj/Izvešće o realizaciji Programa rada
Općinskog vijeća Vareš za 2019. godinu.***

Ad.9.

(Informacija o projektima obnove stambenih jedinica u 2019. godini)

Otvorena je rasprava u kojoj je učestvovao vijećnik Kruno Ridić.

Zaključena je rasprava i predsjedavajući OV konstatuje **uz Zaključak da je Vijeće primilo k znanju**

Informaciju o projektima obnove stambenih jedinica u 2019. godini.

Ad.10.

*(Informacija o ostvarenoj saradnji i realizovanim
projektima NVO sektora sa područja općine Vareš sa posebnim
osvrtnom na rad udruženja iz oblasti kulture i sporta.)*

Otvorena je rasprava u kojoj su svoja mišljenja, primjedbe i pitanja iznijeli vijećnici: Kruno Ridić i Mirnes Ajanović.

Predsjedavajući OV na osnovu diskusije predložio je i stavio na izjašnjanje sljedeći

Zaključak:

- **Da se ubuduće uz Informaciju o ostvarenoj saradnji i realizovanim projektima NVO sektora sa područja Općine Vareš sa posebnim osvrtom na rad udruženja iz oblasti kulture i sporta, dostavi i tabelarni prikaz od strane nadležne službe Općine Vareš o dodijeljenim finansijskim sredstvima nevladinom sektoru i osnova za dodjelu istih (po projektu, po kriteriju i sl.)**

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutni vijećnici Dženan Džafo i Fadila Turki) **usvojen Zaključak i da je Vijeće primilo k znanju**

Informaciju o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta

Ad.11.

(Tekuća pitanja.)

Predsjedavajući OV upoznao je prisutne sa pristiglom poštom:

1. Zahtjev za dodjelu novčanog transfera za pokrivanje dijela troškova edukacije radnika Službe hitne medicinske pomoći JU Dom zdravlja Vareš, broj: 01-20-118/20 od 24.01.2020. godine, dostavljen od JU Dom zdravlja Vareš.

Predsjedavajući OV izvijestio je Vijeće da je Općinski načelnik upoznat sa Zahtjevom i da je izjavio da će udovoljiti istom, odnosno da će do kraja februara tekuće godine uplatiti finansijska sredstva JU Dom zdravlja Vareš.

U raspravi je učestvovao vijećnik Elvir Rožajac.

2. Dopis u vezi razmatranja mogućnosti izgradnje spomen parka sa bustom Josipa Broza Tita, od 20.01.2020. godine dostavljen od „UABNOR-a“ Vareš.

Predsjedavajući OV informisao je prisutne da je sa dopisom upoznat Kolegij OV i da je zaključio da se navedeni dopis dostavi Općinsko načelniku i nadležnoj Službi na rješavanje i očitovanje. (Odgovor dostaviti udruženju).

3. Zahtjev za rješavanje problema u MZ Strica-Zaruđe , broj: 01/20 od 21.01.2020. godine, dostavljen od MZ Strica-Zaruđe.

Predsjedavajući OV izvijestio je prisutne da će Zahtjev biti dostavljen Općinskom načelniku i nadležnoj Službi na rješavanje i očitovanje. (Odgovor dostaviti mjesnoj zajednici).

4. Dopis-dostava zahtjeva MZ Pržići od 09.01.2020. godine u vezi održane javne rasprave o „Studij procjene uticaja na okoliš“ za Projekat obnove pogona eksploatacije i prerade rude olova, cinka i barita na lokaciji Veovača I – Tisovci I – Veovača II, općina Vareš.

Predsjedavajući OV izvijestio je prisutne da je Kolegij OV upoznat sa dopisom i da će Vijeće pratiti daljnji tok dešavanja i radnji po ovom pitanju, te da se na jednu od narednih sjednica Kolegija OV pozovu predstavnici firme „Eastern Mining“ d.o.o. Sarajevo kako bi se razgovaralo o ovoj problematici.

5. Dopis – stav i prijedlozi MZ Daštansko, broj 1/2020 od 15.01.2020. godine u vezi održane javne rasprave o „Studij procjene uticaja na okoliš“ za Projekat obnove pogona eksploatacije i prerade rude olova, cinka i barita na lokaciji Veovača I – Tisovci I – Veovača II, općina Vareš.

U raspravi je učestvovao vijećnik Mirnes Ajanović koji je sugerisao da se predstavnici firme „Eastern Mining“ d.o.o. Sarajevo pozovu na jednu od narednih sjednica OV kako bi se raspravljalo o ovoj temi. Dao je pojašnjenje.

Predsjedavajući OV izjavio je da podržava sugestiju vijećnika i da će Kolegij OV dogovoriti se o daljnjim radnjama u vezi ove problematike i pozivanju predstavnika firme na sjednicu OV kako bi se i javnost upoznala sa istim.

6. Predsjedavajući OV izvijestio je prisutne o održanim sastancima sa kompanijom Assad Al-akel d.o.o. Sarajevo koja na području općine Vareš realizira projekat izgradnje adrenalina parka Zubeta-Ravne.

Sastavni dio ovog Zapisnika je audio zapis sjednice.

Sjednica je završena u 18,15 sati.

SEKRETAR

Leon Pavlović

ZAPISNIČAR

Azra Pijadžer

***PREDSDAVAJUĆI
OPĆINSKOG VIJEĆA***

Adis Čizmo